

JU” Fond Memorijala Kantona Sarajevo”, sa sjedištem u Sarajevu, ul. Širokac br. 22 , Kovači, Stari Grad - Sarajevo, koga zastupa direktor Hazim Bahtanović, mr. (u daljem tekstu: **Ugovorni organ**)

i

Obrtnička radnja - Kamenoklesar „Čolić“, sa sjedištem na Ilidži, ul. Himze Mekića br. 15, Sarajevo, ID broj: 4302526750005, koga zastupa vlasnik Čolić Venad (u daljem tekstu: **Dobavljač**)

Zajednički naziv za Ugovorni organ i Dobavljač je UGOVORNE STRANE.

zaključili su u Sarajevu, dana 20.11.2020.godine

U G O V O R **o izvođenju radova**

I PREDMET UGOVORA

Član 1.

Predmet ovog ugovora je izvođenje radova na sanaciji spomen obilježja šehidima i poginulim borcima.

Radovi se izvode prema usvojenom predmjeru i predračunu sa jediničnim cijenama koji čini sastavni dio ovog Ugovora.

II CIJENA I NAČIN PLAĆANJA

Član 2.

Ugovorne strane su saglasne da vrijednost Ugovora iznosi

3.750,00KM

(slovima: trihiljadesedamstotinapedeset i 00/100KM)

Dobavljač nije PDV- obveznik u skladu sa pozitivnim zakonskim propisima.

Član 3.

Ugovorne strane su saglasne da je u vrijednost ugovora iz člana 2. ovog Ugovora uključen i materijal i alat koji je potreban za izvršenje posla iz člana 1. ovog Ugovora.

Član 4.

Ugovorni organ se obavezuje da će Dobavljaču isplatiti vrijednost ugovora iz člana 2. ovog Ugovora nakon izvršenja predmeta ugovora i internog tehničkog prijema, a u zakonskom roku, računajući od datuma prijema ovjerene situacije/fakture od strane Ugovornog organa.

ROK IZVRŠENJA RADOVA

Član 5.

Ugovorene strane su saglasne da je rok za izvršenje predmeta ugovora 40 /četrdeset/ kalendarskih dana od dana obostranog potpisivanja ugovora.

Član 6.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

Član 7.

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora,

za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

MJESTO IZVOĐENJA RADOVA

Član 8.

Ugovorne strane su saglasne da je mjesto izvođenja radova: Spomen obilježja šehida i poginulih boraca u Kantonu Sarajevo.

OBAVEZE DOBAVLJAČA

Član 9.

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke koji nisu nastali na radovima krivicom Ugovornog organa;
3. da na zahtjev nadzornog organa Ugovornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebjenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripremanja istih.

NADZORNI ORGAN

Član 10.

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: *Tehničku Komisiju Fonda memorijala.*

Član 11.

Dobavljač je obavezan da za svo vrijeme izvođenja radova uredno vodi građevinski dnevnik i građevinsku knjigu investicionih objekata.

Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

Član 12.

Dobavljač radova odgovara za solidnost i kvalitet izvedenih radova za vrijeme od 2 /dvije/ godine, računajući od dana primopredaje radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

OSTALE ODREDBE

Član 13.

Ugovorni organ je dužan, po pismenoj obavijesti Dobavljača da je radove završio, zatražiti tehnički prijem u roku od 10 dana, ako se nadzorni organ Ugovornog organa uvjeri da su stvoreni uslovi za tehnički prijem.

Član 14.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

Član 15.

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle riješiti na predviđeni način, isti će rješavati nadležan sud u Sarajevu.

Član 16.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

Član 17.

Ugovor stupa na snagu danom obostranog potpisivanja i ovjeravanja ugovora od strane ovlaštenih zastupnika ugovorenih strana.

Član 18.

Ugovorne strane u znak razumijevanja i prihvatanja odredbi ovog ugovora, vlastoručno ga potpisuju.

Član 19.

Ugovor je sačinjen u 4 (četiri) istovjetna primjeraka, od kojih Ugovornom organu pripada 1 (jedan) primjerak, Dobavljaču 2 (dva) primjerka, a 1 (jedan) primjerak se dostavlja Nadzornom organu.

**ZA UGOVORNI ORGAN
DIREKTOR**

Hazim Bahtanović, mr.



Broj: 13-03-01-AM/ 45-367/20
Sarajevo, 20.11.2020.god.

**ZA DOBAVLJAČA
VLASNIK
Venad Čolić**

IL.
VENAD ČOLIĆ
VENAD ČOLIĆ
kiča 16
snad

Broj:
Sarajevo, 20.11.2020.

